

棕亭駢體文鈔

棕亭駢體文鈔卷之四

全椒 金兆燕 鍾越

啟

乞鄭松蓮書啟

蓋自大鳥雙翮人傳次仲之仙孤松一枝世仰崔瓊之
聖石軍而外承旨以前溯厥名家難爲僂指然而扇持
柳惲詎秘奇蹤裙曳羊欣獲畱佳蹟蔽山老嫗能盈市
上金錢壘礪荒邨永著人間墨寶使第中宵畫被未許
旁觀亦惟侵曉書塵祇堪自喻則茂漪弟子誰觀簪花
杜度精微空傳琢玉雲峯多幻劍氣難逢縱善心師終

慚腕劣昔年刊上素仰芳名今日漸江幸親芝宇絲繩
玉尺高風瞻處士之星青壁丹巖遠操銘幽人之宅邇
者邱亭夢斷闌暑涼生偶遇同心攜來便面箕張昂萃
驚綵體之端嚴槎蹙藤懸訝草書之逸勅鵠頭蠶腳比
擬難工鷹峙鸞驚形摹詎似展陳遵之牘愛玩無窮捫
索靖之碑徘徊不舍麥光紙上疑繞雲烟栗尾管中應
韜綺繡從此過昭陵之隧不復思真本於蘭亭如其投
魚翼之懷儼頓還舊觀於章艸兆燕錐穿自而鐙撥無
從竊學夫人舉止每慚其羞澀徒憎餓絲形容難變其
拘攣永歌習而未工戈法補而終賡幸免識丁之諠閒

尋脈望於牙籤非關諱丙之期空守萍如於璃匣睹酒
家之壁競慕清標書夢裏之碑恨無幻術遙瞻鐵限敬
致瓊箋伏乞蕙帳濡豪蕉窗染墨雲蜚五朶連蜷翡翠
之牀水滿一泓激映蟾蜍之腹三十步望船繡拜曷任
怔營五千言握管通神庶無靳惜用是懸之帳裏度以
梁間斲筆精毫日臨摸其百本貞珉綺石畱椎拓於千
秋錦暉生輝玉池煥色此日驚籠開處共賞心於春水
波中他時鶴板傳來看揜袖於御簾影下

吳碧波先生六十壽屏啟

伏以雲飛青陸延陵觀樂之時日麗朱轡襄渚流觴之

候珠履森齊夫槐柳三豆筵開瑤箋紛祝乎岡陵九醖
酒熟綺甌鬢黷堂披君子之風繡陌縱橫野泛社翁之
雨杏蕊共雕雲煥彩蘭膏偕粉月騰輝九十春多八千
算永恭惟先生隱之雅望季重清才問簞籜於名邦淮
南豪俊呈瓠規於上國江左華腴杜荀鶴草兆科名鄭
康成里多冠蓋門施桎桓炊金饌玉之家堂滿貂蟬附
翼攀鱗之侶知公侯之必復爰英異之篤生文豔魚油
綺歲協桓麟之韻光騰虎氣韶齡具荀羨之才甫當蘭
成射策之年久抱方朔上書之志蜚聲鳳閣簞羽鵷班
遂釋褐以朝天乃鳴琴而出宰楓宸題柱九衢傳燕市

之名竹閣垂簾三輔紀泉州之績千邨羃懸香河則雨
徧春田萬竈溫暾碧海則霜飛暑路蘆臺鷗散空山圍
聖母之祠花縣人歸曠野聽神君之頌迺政成撫字爭
仰羨乎雙鳧而最報循良更超遷乎五馬虎符在握白
登之霜月俱清鹿影隨車紫塞之塵沙不擾李陵臺上
番馬宵眠蘇武城頭渴羌朝款坐莎廳而晝靜久淡宦
情聽笳管以秋懷常縈鄉思洪波虎渡競快歌馮統鼓
雞鳴終難借寇攜去鬱林之石何異琅玕擎來合浦之
珠無非慧苴入君章之室內蘭菊猶存坐景節之齋前
莧茹斯在家著一經之訓庭畱萬石之風長君則槐市

陰濃已簾抽夫上舍次君亦芸窗日麗早輒發乎天衢
含飴列錦褱之華夢草盡緋袍之彥展也名家盛事猗
歟聖世嘉徵茲當修禊之辰恰值杖鄉之歲年周甲子
金莖舒不老之花日守庚申碧柰發長春之樹芹芽努
碧魚標隨曲水以彎環桃浪翻紅鳥語入深林而格磔
御人歸之緩緩綵組長牽挽春去之堂堂花萼列坐細
草映踏青之履裙幄彌張飛英依蘸碧之衫柳圈匝匝
取油花而點水預卜期頤掣鈴索以牽絲俱供指使燐
燐畫錦燦爛朝霞某等德重二君情深二仲愛襲蕙蘭
之氣香滿中林竊叨縞紵之父名馳上國雲裘烟駕半

松喬僞祿之傳綺菜琅蕊肅臙煎熬之美按秦箏而
排雁柱聲和錫簫磴越砥以拭鵜膏光浮水劍會邀撲
蝶聊以代粉社之歡酒載聽鵬卽此勝蘭臺之聚攬上
鞦韆之駕共作飛仙闌來玳瑁之筵且呼樂聖傳語青
楊之巷同瞻紫障之輝謹啟

汪母王太孺人九十帳辭啟

伏以嘉平紀序金烏躔婺宿之輝大呂調元玉琯協羽
音之奏北堂高而芝蘭繞砌色射楓林南極燦而玳瑁
開筵香浮橘醕受介福於王母詒令祉於文孫小歲初
臨大年是屆恭惟太孺人太原壺範鄮水閨師代著文

章海內仰青箱之學門高檠戟橋邊傳朱雀之名笙鶴
清香遙聞天上烏鳬佳話常挂人間祖德宗功洵淵源
之有自廷推鄉譽信流播之無虛篤生偉人旣擅鬚眉
俊杰釐爾女士復傳巾幗芳徽縈表衿纓競說閨中之
秀筐筥錡釜克尸牖下之齋西窗賡道韞之詩風搏絮
影東觀著惠姬之史鐙閃藜輝逮作配於平陽遂嗣音
於越國溯其先世曾邀天上緋魚景厥尊章高折月中
丹桂肯堂肯構彬彬乎詩禮鴻儒良治良弓奕奕然膠
庠妙選維時內則咸重孺人調琴瑟於房中奉敦牟於
堂上潘請醕湯請法必敬必戒勤劬乎三日五日之燂

井親縞曰親嗟何有無甦勉夫二誦四誦之給鹿車
挽月甘同鮑氏清貧燕麥飄春聊樂巴家駮富春秋洽
比芷蘭聯甥戚之歡早晚修嚴驚鴨忌比鄰之惱練裳
葛屨無斃煩捫囊牖繩樞不辭補葺雖膝下人琴佗僚
蝶夢依稀而庭前頭角崢嶸龍文競爽慈孫養志何殊
上表之情新婦承歡大有乳姑之孝蘭心蕙質珠光皆
南浦之珍桂桑梓玉潤盡東牀之彥兼之孫曾繼起
索已逾三行見雲祚迭興麗將不億茲杪冬之五日正
華誕之九旬恰孚乾數之隆筭雖九而未究永協坤貞
之吉冀旣五而猶生金猊燕送暖之香爐烟燂黹銀示

壓卻寒之骨簾影夷猶鮐背負朝暉竹杖拄呆愚之外
鶴髮看戲綵板輿乘窻窻之間雪藕冰桃掩映凍梨浮
垢色嶺梅隄柳紛披枯樹發陽春帛絮賜自上方衣裳
綵縹栗肉頒從內府醬醢紛紜何須面藥奇方顏無奸
黜疑有喰花妙術身轉康強誠哉地上行仙展矣人間
老福某等忝綠衣之末坐愧彤管之無文曩叨鮑叔之
知締素交而三代願上成風之頌祝黃髮以千秋鼓擊
細腰春草發喧阗之籟輔生覲齒臘脂含滃澹之香茅
葉訖奚頭氣盤醅醺凝緹齊春雲斟雪內光浮激灑泛
凹心悅設華堂齊快大觀於畫錦籌添海屋將同無竟

於員邱敬邀八蜡之賓共侑三升之觴謹啟

吳母晉太孺人六十徵詩啟

蓋聞千尋勁竹青鸞翔三素之雲百巖貞松白鹿餐九
危之露香名迷迭經煎焚而馨馥逾濃劍翳夫禔加礪
淬而光芒愈煥從來才子半吐奇於陟危履險之秋自
昔名家多奮志於錯節盤根之下如曰幽潛之必發定
屬坎壈之頻爾在鬢眉而其理不誣豈巾幗而其塗或
異吳母晉太孺人江北名家淮南華胄遡其簡鮮雲中
聞緱嶺之笙譜厥箕裘天上賜河汾之繡李星朗曜長
流則雅善平反槐蔭龍蔥學市則尤明經術太孺人幼

而端淑長益柔嘉書著豐生聯袂協惠班之侶詩成道
韞摘豪喧太傅之庭香茗新詞綺交繡錯簪花妙格鳳
泊龍漂迺以西晉之名規爰作東吳之嘉耦先疇可述
祖德堪陳棗拂庭前卜趙瑩之必貴槐生柱上知孫偓
之將榮侍讀公鵲起金閨鸞棲粉署早夢懷中之錦旋
探上苑之花竝韓跗而枝發五衢標淡墨而人呼四傑
固已華腴籍甚閎閎歸然逮鄉賢公樹物望於一邦洎
主政公纘家聲於三世牀頭置笏人驚崔儼之家座上
影纓客盡鄒陽之輩而某年世臺則崢嶸虎觀跼蹐雞
壇粹行晶瑩璧雙宣而無考雄文的皦珠九曲以皆穿

楊彪爲伯起之孫公侯必復謝萬實藍田之茸弱冠知名維時太孺人潔爾蘋蘩佩其璜組桃酸芍醬無勞脯掾之經營蜀錦吳綾共詫鍼神之紉綴紫茸帳裏馬倫多侃直之言青玉案前德曜擅清高之譽無何而圓冰乍缺遽歎驚孤斷竹空悲歎驚鳳靡金刀鉅掩看碧落以萋萋瓊樹枝凋瘞黃墟而鬱鬱從此菰蔬之草心緣屢拔以多傷遂令臨岳之絃調值偏彈而倍苦春閨晚晚半欄獨活之花曉雨迷濛三尺孤生之樹剪刀池涸螢入夜以青寒脂粉塘枯蛾當秋而綠黥貞疑化石悴顏共石髮以鬢髯志切履冰泣臉映冰錢而沸漏所以

風傳梓里久已欽曹憲之芳規因而名達楓宸特爲表
巴清之雅操此觀型百世漢劉向所以成書著範千秋
宋尙宮於焉作論者也抑有說焉尤其難者今夫河間
姁女雖知春石上之梁譙國夫人只愛張馬前之繖李
妹盡日攀君馮衍悍妻終朝抵掌吹簾道上相矜
老嫗之能恤緯閨中未識孤嫠之職一自代諸臣而作
謚便思倚健婦而持門道旁爭遺秉滯穠之餘室中起
新婦小郎之釁縱三從之無忝已七誠之多違而太孺
人淵塞爲心溫恭成性魚和雁稅總淡泊以無營樵髻
練裳屏鉛華而不御五夜禮龍華之懺燈晃蓮臺九天

散鴿座之花香生柰苑大觀在上甘節維亨知泰運之
將隆信坤貞之有慶縱蘭心萎後恆嗟江氏才君而柘
館移來競羨阮家孝緒並見魚舄八座定伸捧檄之情
旋膺鸞誥五花大慰倚門之望茲序逢乎五月正年屆
夫六旬堂敷護帶以忘憂人對竹筠而共醉虹丹九轉
竝寒饌以俱陳霜散千堆偕甘瓜而齊進申王座上蛇
以冷而常蠲李相盤中龍欲飛而還貯錦棚高矗響傳
九子之鈴苒席平鋪風動七輪之扇青枝散彩槐樾連
蜨綠葭垂珠蓮房窈窕遏雲檀板郭郎之舞袖婆娑蔽
日檀林齊女之歌喉宛轉酒浮蠟綠鶴觴飛雪檻之間

脯裊蚪紅麟拂挂冰山之外某等堂躋白玉管佩彤箴
才愧潘安未克代任妻而作賦學慚晁錯每思緣伏氏
以傳經伏冀夢篆才人熏香詞客錫之琬璧佐板輿三
徑之歡寵以圭璋表松蓋千年之操此日椒圖煥彩共
倚裳於碧慮屏前他時蘭蕙生輝應受錄於緋羅天上
謹啟

徵趙某翁配陳孺人六十壽言啟

蓋聞易氣鍊形犢子配連眉之侶飛輪浮景木公偶戴
勝之仙自昔坤貞同孚乾健故編成劉向特標巾幗之
芳型而號錫義成不減鬚眉之令譽然而頌郝鍾之禮

法半屬宛言撫曹謝之文章無非譚語稽其閨閤苟豪
擅五陵詢厥閨房斯嫩稱四德紫絲障麗大都鄒衍之
荒唐碧慮屏張悉是偃師之傳會柴桑邨裏誰知陶令
之妻蘇嶺山中莫識龐公之婦何殊貞士曳尾塗中豈
第才人潛珪泥下則有如陳孺人者江浦趙某翁先生
之淑配也少嫻婉孌之儀長習柔嘉之訓十三織素雲
繞香蕪二八裁衣霞生廣裏採桑陌上羅敷則日照樓
隅詠絮庭前道韞則雪飛奩畔及其歸我某翁先生也
以宛邱之名閨作平原之嘉耦析聞邾魯翠塋欣穠極
之相聯邨近朱陳紅樹幸參差之可接緹帷竟道爛雪

厂以生輝樺燭迎車燦霜巖而耀目維時某翁先生則
觥觥名宿佼佼諸生摘毫而花吐青蓮下帷而秘窮黃
石齊聲名於北里庭多瓊樹之枝問門第於南朝家近
金陵之縣山中射虎意氣飛揚樹下聽鸛襟情瀟灑田
堪續命常聞開劉氏之倉酒必邀鄰詎待祭孫家之鼃
綜其行誼不愧古人緬厥高風多由內助承歡兩世敦
牟潔滄瀨之供式好一門井曰庀晨昏之職呈隴中之
綦跡甘偕冀缺辛勤聞帳裏之緒言不讓馬倫才辯翠
釜耀銀絲之膾自噉黎和紅裳壓金縷之痕不辭須捷
儼儼璘藉祝苑窠於三眠踞踞花冠棲翰音於四壁銀

瓶素縷寒漿。緜白蟄以跼。躑金籠玉鉤。纖手挽翠條。而
才孑接莎。午月響秋聲。於香杵。玳碁彊。粟庚泥沐春雨。
於樓車秧馬。此韓邢尹姑所共讓。其芳規而許史金張。
應羣推其懿範者也。茲節屆夫三冬。正年周夫六甲。望
周變之廬於岡畔。雪貌皚皚。舉梁鴻之案於庭前。霜華
厯厯。黃團低挂背襟之藤蔓。連蜺白小。潛浮塘堰之冰
楞缺。麟醢顏豸。飄竹杖閒攜。宣髮鬢。金莖自戴。任謝
雲霞之友。共倚裳連袂而來。范張雞黍之交。亦提榼稱
觥而至。某等才慚蘇蕙。擬錦織於機中。德羨伯鸞。偶交
成夫。曰下池畔。覓剪刀之迹。堪媿車公。階前聞機杼之

聲每思羊子伏望錫之麗製惠以鴻篇曠睽登白玉之
堂箕笏按紫雲之曲向鮑姑而索艾定療臣狂看毛女
以餐霞無嫌客醉

徵吳仲翁配李夫人五十壽屏啟

伏以棟花風暖欣福祉之岡如瓜蔓水生慶壽源之川
至婺星中而正旦光浮醴醖觀晴霞麥浪起而先秋色
映芍欄凝曉露仙李蟠玉華之淵含桃薦畫錦之堂節
紀清和數孚大衍恭惟吳老年嫗母李老夫人隴西壺
範謙北女宗華胄淵源問姓者爭傳指樹名流炳蔚人
門者競羨登龍寵荷絲綸循良第一德堪俎豆孝義無

雙泰方隆而椒衍瓜縣異初索而蘭心蕙質才能續更
閃窗下之藜輝性善賡詩飛簷前之絮影繭絲麻泉克
庀女紅棗栗莖苴無忘婦職逮作延陵嘉耦遂嗣讓國
徽音維尊章德翁先生錦濯西江墨綬報三年之最暨
尊姑魯老孺人教傳東國翟衣膺一命之榮而仲翁年
老嫺臺則褐裘之眉宇驚人玉山朗朗側帽之風流動
衆國士翩翩儷以夫人雅稱淑配釵荆裙布跼堂上以
捧匱芥醬梅諸入厨中而洗手醕面燂潘之暇時補綻
以紉箴施繫佩悅之餘猶拚席而膺塲珠簾鴛錦繡滿
院之春風金井鹿車挽一庭之秋月綸繩弓韋樂哉與

子同心案舉齊眉洵矣及爾偕老調房中之寶瑟無非
無儀送天上之石麟有德有造長君則文章燦爛行攀
月裏之枝次君亦頭角崢嶸正蠟堂前之鳳今茲四月
下澣適當五秩良辰露浥桐孫黛參天而欲滴雨肥棗
子黃映日以俱垂櫻筍厨開玉版共蠟珠竝進蓬瀛宴
盛冰丸與雪散齊陳竹肉繞梁長拍歌短拍歌和柳下
之鶯簧宛轉毬毬鋪地大垂手小垂手伴花間之蜨舞
蹁躚南嶽夫人向雲中而控鶴西池王母從海外以乘
鸞共奏鈞天同登福地某等誼關蘿薦社集粉榆女史
有箴久已德欽女士閨師咸仰甯惟化洽閨門草色如

袍羨霏霏之挂綠花光侶綬看若若之拖紅映綵帨以
騰輝屏開雲母升華軒而介壽酒進霞觴望釀金亟
需製錦謹啟

張某翁五十徵詩啟

某年月日迺某翁張君五十攬揆辰也夫其姓列星躔
家傳霧市溯長公之舊籍簡薛燐編入安世之華軒階
關駮駮華子魚揮鉏之暇肆力詩書馬威卿擊劍之餘
耽心墳典光騰虎氣蹀躞乎棗心蘭葉之間彩豔魚油
枕薜乎玉躡金題之下芹池漾碧佼佼諸生袍襴拖藍
翩翩才子杜預則猶存左癖寶威則祇賸書癡既富才

華尤敦行誼叱牛塍畔聲驚趙至之心伐木山中淚掩
楚梁之袂天上賜七年之粟困窮膨脬庭前曳五采之
衣袿襦綵繚鸞書錫爵椿枝邀更老之榮雁序蜚聲棣
萼擅友昆之彥陸士龍雲津竝躍縱壑昂霄蘇穎濱水
調長歌含宮嚮徵樹名交讓共王槐陶柳以俱榮里號
通靈與袁渴葛陂而不朽更精雜藝別寄閒情百榼千
觚奮臂結荆高之侶五尋七跡拍張誇賁育之雄擲帽
三呼袁彥道豪情蓋世披衣一曲桓子野逸氣驚人日
射符簷黝黝幽居之宅風搖穉稭稜稜得意之田廬澗
牛腰柳篋紛綸而未觸壁懸蛇腹嵇琴瀟灑以孤彈林

間則跪地香囊無非馨螭膝下則翀天翠羽殊異瓊璫
萬石君遜此高風三柱里欽其雅望所以摳衣罔畔大
都周燮之賓羅拜牀前盡是龐公之客翠屏列戶極某
邱某水之奇觀白墮飛觴侈問婢問奴之樂事行見龍
門鼓鬣鵬程歷九萬而遙因之鮐背含飴鶴算亘八千
而永固撥羶之甚易亦煖蕪之無勞者也綜厥生平質
諸大雅麝厥名於逸民之傳甯有慚乎臚其行於作者
之林洵無愧矣釣徒何處好共尋湖上烟波酒客頻來
幸勿吝筵前珠玉

道光歲次丙申孫珉謹編次

曾孫釀

醅校字

棕亭駢體文鈔卷之五

全椒 金兆燕 鍾越

啟書

謝鮑薇省贈筆墨啟

尊儉至榮披芳訊垂賚筆一束墨十挺中山銛穎上黨
良材超虎僕之佳名軼龍賓之妙劑拈來銀管夢花豔
以長新滴向金壺仙瀋融而不散僕含毫才鈍磨盾思
慵捶琴未協其音噴紙難明其術忽蒙瑤賜頓切冰兢
謝公小庾之所難求衡弟汲妻之所未見而乃遙從山
裏分國人削後之香私向酒邊治草聖濡餘之汁漆竹

之遺逸少比此非珍集賢之贈飛卿方茲尙而謹當安
之珊珊貯以豹囊鳬藻之忱伏惟鑒察謹啟

謝汪經耘示漢未央宮前殿瓦硯啟

蟾光一片陰森聞賈傳之談龍首千蟠壯麗聘鄮侯之
制然而弄田鉤盾轉眼榛蕪温室諺門傷心兵燹三輔
之遺規厯厯雨黯烟昏千門之舊徑茫茫苔纏蘚蝕赤
墀青瑣歎零甃斷甃之無存玉戶金鋪似墮珥遺簪之
難覓何來片瓦猶貯重函昔邪之雨露長畱藻廉之精
靈未散一痕淺碧沾來太液之波半縷殘紅分得昭陽
之影樵香姜之舊樣遜此奇觀尋銅雀之荒基無其佳

製僕也才同薛稷學乏陶甄圖空愛夫宣和錄未諳夫
金石幸逢大雅示我古歡如遊駘蕩之宮似捧昭華之
瑄土花鏽澀應得自秋雨犁邊墨瀋淋漓好安向曉晴
窗下啟璃匣而靜憶是曾經金貯阿嬌裹綾袂以深藏
儼不讓璧懷張伯是惟書裘玳瑁始可爲鄰亦祇水滴
蟾蜍差堪作伴看此日麗毫濃蘸定暗生李白之花囑
他時雞舌長含勿輕說孔光之樹

謝吳岑華先生贈手批迦陵詞啟

兆燕啟今晨小奚至蒙齊手批迦陵詞一帙朱墨淋漓
丹黃稠疊鏤妍鏤秘剔字裏之幽香嚼微含宮咀行間

之秀韻絺章繪句標霞箋玉滴之奇練爽研精探裁月
縫雲之妙固宜蔡邕書祕獨置帳中何圖尹儒術工忽
傳夢裏千迴諷誦百徧摩挲愛絕調之鏗鏘甯惟冠柳
切瓣香之寤寐曷任推袁謹當窮厥突竄敢第繡其聲
悅縱李奇難託自知其曲之非而楊意如逢或曰其文
之似訝今夜饒膏燈畔驚籠識陽羨書生訂來朝鵲尾
爐前螳醕醕雲郎小像

雲郎迎陵歌童小影藏先生家

謝汪經耘贈爵秩新書竝京韉啟

兆燕啟今晨束裘登車枉駕握別蒙惠爵秩新書一部
段韉一雙拜賜之下感愧交并僕讀書已悔南華曳履

仍同東郭蓬萊都監難羣仙籍之名京洛緇塵豈稱芒
屨之態從此披緇霞牖濯足雲溪獻庭則冬集無書行
野則曉霜空操何圖珍賚迺及散人芸甍裴成散秩訝
崇班之烜赫桂麋製就摳衣羨深雍之嬋娟撫玳瑁之
精函欲禮名經千佛看茱萸之細皴宜迴小隊雙鸞貢
冠應可復彈王襪何辭再結

勸管平原開畫戒啟

蓋聞怡雲嶺上原難輕以贈人索炙盤中未可堅於絕
物張琴挂壁誰知雅奏之音斂子入簌孰識秋儲之妙
在高士無啖名之念自願善刀而藏而吾人懼懷寶之

迷竊冀脫穎而出搏虎果難於再試敢請下車承蜩既
異於他人肯教束手伏惟先生家傳黃素性愛丹青既
擅活人之方兼工貌物之學按山川之血脈生面重開
相草樹之榮枯傳神畢肖吳衣曹帶誰敢譏評幹馬嵩
牛盡歸賞鑒而乃牽於酬應壺中之日月空忙費厥精
神肘後之君臣轉闊爰仰天而指日遂封臂以盟心裂
黃絹以爲襪材埋青管而成筆豕顧長康之樓閣誓不
重登閭立本之家庭著爲永誠競踵門而投足空望岫
以息心難詢牧馬之塗似抱屠龍之技然而活禽生卉
既操大塊之文章臙馥殘膏豈禁世人之沾丐高僧座

上猶難堅守夫亦久居一門前豈得永局夫鐵限特招
近局爲滌前言請以倉扁之餘閒仍理荆關之舊譜定
糟粕之盡化且復斲輪縱疏筍之久甘何妨解菜勿辭
潤筆知虎頭不妄助資詎曰妨醫看獅子且堪愈瘡深
杯待屬短札先投謹啟

爲小山上人徵生輓詩啟

蓋聞最初禪裏只有眞常不二門中更無文字人天滿
足如來原長壽之仙習漏洩除大士本多聞之學將三
摩偶然游戲何妨共說無生指一切隨意神通且與同
參妙諦茲惟小山開士大覺迷途祛五蘊之糾紛悟八

還之淨妙童真慕道早辭親以出家初地息心卽得句
而呈佛勝流滿座豎拂者蓋是宗雷彥會成林升堂者
無非許謝撫干竿之修竹死是直兄對幾點之疎梅居
然梵嫂貫休潑墨自具禪機無本吟詩獨成瘦骨固已
道猷直轡證無上之菩提而乃慧遠高壇作有情之緣
覺謂夫橫吹鐵笛人生必有散場慣愛紗籠此念難忘
結習與其邊蕭楚挽送北邙長逝之魂何如麗句清辭
作東土後來之供趁娑羅之未悴且當涅槃分薈蔔之
餘香定成般若於是鳴鐘半夜徧告緇徒開殿清晨大
招素族等以無遮之會了其現在之身伏願慧業文人

淨名居士錫之銘誅貺以詩章不勞升座之三號聊博
拈花之一笑共謀作達莫吝書貞謹啟

安定書院餞送諸生鄉試啟

代

伏以桂輪高揭二分之明月爭輝茅茹齊征萬里之秋
風競爽指阿巢而奮翮丹山翔威鳳之羣縱巨壑以揚
鱗碧海躍潛虬之隊業成四術典重三升恭惟諸年兄
江左英髦淮東俊乂夢中江筆舒藻豔於瓊花袖裏隋
珠吐光芒於甕社登昭明之樓閣入選文多傍董相之
祠堂下帷志切樂羣敬業俱函席上之珍發策決科久
握枕中之秘戚同文之弟子竝有師承胡安定之門人

最嫻講貫固已披文相質儲春華秋實之材豈第臚馥
殘膏學西抹東塗之技茲者恭逢

盛舉慶遇

恩科

聖天子寤寐賢才將羣空夫冀北爾多士馳驅皇路正
程徙夫南溟用持祖餞之觴載舉賓興之典所願盍簪
竝至攬轡同登天衢和鳴鶴之音雲路振漸鴻之羽淮
濱花滿千山之叢桂皆香江滋潮生八月之靈濤俱壯
羨此日芙蓉鏡裏晶輝爛天上銀盤下來春勺藥階前
瑞靄繞日邊金帶夢傳秋駕識老夫三載心勞隊整雲

都知餘子一軍氣奪君直健者予日望之

納聘啟代

伏以柳烟屯綠夾隄之金綾爭輝桃露舒紅滿澗之瓊
波散彩令德展百城之圖畫紫氣春濃韶音捲萬里之
波濤赭山朝霽榮戟列重門而煥爛蘋蘩齋季女以溫
恭秦晉嫺盟潘楊燕喜恭維老親家先生太邱望族浙
水名家問相國之沙堤魏笏之甘棠斯在詢世家之金
埒董帷之遺策猶存溯金張許史之家歌鐘在肆紀魏
丙蕭曹之績門藉盈箱御酒黃封陳釀鬱金樽而激灑
宮衣紫疊飛珪垂玉帶以褰琴布威惠於六條承流宣

化纘家庭之四美裕後光前令姪女毓閨閣之清芬久
順從於師氏大小兒隨京華之旅食尙需次於銓曹一
輦可杭幸越水吳山之未遠儼皮斯聘感荆釵裙布之
無嫌特返故鄉爲成嘉禮諏暮春之九日訂偕老於百
年海棠酣國色於青廬春光正燦勺藥殿衆芳於碧砌
瑞靄維新伏願宜室宜家多男多壽杏花邨裏看洽比
於朱陳蘭茝閨中瞻禮儀於鍾郝則欣占鳳卜不徒求
繫而求援喜兆熊祥益切肯堂而肯構矣謹啟

代盧雅雨都轉少子與錢香樹司寇納幣啟

伏以海蟾騰彩桂宮舒月姊之輝嶺鳳鳴祥蘭渚聽冰

人之語集堂前之翡翠秋做銀屏翔湖畔之鴛鴦波明
綺縠締良緣於二姓成嘉禮於百年筐篚遙將絲蘿永
託恭維司寇錦衣世德繡水名家躡契踐夔千載觀明
良之遇淩顏轅謝九州推風雅之宗品重螭坳早冠蓬
瀛之侶風清狴戶久崇槐棘之班父子同官詠緇衣於
鄭國身名俱泰紀綠野於裴公十載優游荀何山澤千
篇著述燕許文章官驛遞詩筒遙和

九重之作江花迎

御輦虞承

三錫之榮檠戟門庭著韋平之閎閱粉榆里社盡羊鄧

之姻連某族忝四藝才慚八米九衢冀北憶當年文苑
同登一水江南喜此日吟壇竝綠楊城郭慣迎郭泰
之舟紅燭笙歌每下陳蕃之榻樽前側帽花底披襟羨
君擎掌上之珠笑我舐懷中之犢念前此童孫薄劣蒙
嗣君已許乘龍而今茲老友綢繆顧弱息又誇乳虎爰
篤舊姻之好載尋嘉耦之盟藍玉初芽赤繩先繫歡騰
閨闈共言姪有姑從喜溢門楣應許壻依子例用肇問
名之典敬陳納幣之儀家人卜厥袂良媒氏睨其柯則
溫臺寶鏡先兆團圓江翦巾箱預徵婉變錦鋪五兩看
綵結之同心玉列雙宣知瓊英之比德朝霞暈紫燄生

纏臂之金曉黛紆青影映貼眉之翠嘉禾城外祥雲籠
滿匯胭脂櫛李邕邊喜氣散一樓烟雨伏願道高嶽峙
望重冰清閨中傳伏氏之經人遵模楷庭內稟顏家之
訓化被葭莩郭瑀高齋席獨分夫劉昞韋詵後圓衣無
笑夫裴寬從茲攜手山中畢二老向平之願並看齊眉
庶下傳一門德曜之賢卜文定以厥祥喜德音之來括
矣謹啟

代趙轉運孫與沈高郵結姻啟

恭惟老年臺先生八詠名家三關著族東堂射策鴻文
摘上苑之花南贛牽絲佳政偃下民之草更剖符而作

牧遂浮艦以臨江照千里之光華湖邊珠耀振一方之
文教臺畔春多茲當豹變之晨共切鶯遷之慕聽城頭
之曙鼓健犢方畱颺湖畔之晨旌浮鰲復至騰鬢社之
光芒布華胥之樂境過多寶沙高之地雅愛文游入微
雲山抹之鄉便思佳壻乃五琅福曜正瞻海上仙鳧而
片玉榮光先卜雲中瑞鳳頌神君於召父嘉石銘心問
嬌女於左家明珠耀掌某政循冬日才謝春華宗職濫
叨趙璧幸承手澤劇司久任吳鹽但滿顛毛鞅掌簿書
笑含飴之靡暇關心堂構愧傳硯之無方念小孫騎竹
庭前未受魯論之半知令愛辨琴窗下早窺班誡之全

柯羨桐高竊盼孫枝之繼茂波欣河潤定容壻水之先
沾伏願照以冰清賜之金諾雀屏乍展慶薦蘿松柏之
長榮鸞鏡先開快環珥瑜璫之競爽藉此日一雙白璧
訂同心於總角之初計他年百兩朱幘娛老眼於懸車
之後敬將赤繫敢布丹忱謹啟

寄雙有亭學使書

蓋聞遇伯樂而夢車難爲良馬值風胡而躍冶定匪祥
金綠綺旣調豈宜更思夫爨下紫珍雖明自應永託於
篋中苟其飽筭裹之餘花遂辭楊館閃壁間之幻影竟
遂陶梭則指頂而羣詫乖人卽撫膺亦自嗔怪事然而

情牽骨肉枝頭多壹宿之鳩性怯風颺天上有退飛之
鵲苗故畦之小草祇願芑根決央竇之細流終難入海
是惟仰帡幪於知己乃終始鑒其無他如將喻肺肺於
旁觀自顛末疑其鮮當伏惟大人儒林圭臬土類楷模
著奕葉於韋平邁衣冠於王謝寓金閨之豹直酒飫三
辰濡玉署之龍賓書窮二酉頻恢珊瑚網貢天府之奇琛
獨挈冰壺作人倫之巨鑑波騰學海掌秘翰於西清光
耀使星駐輶軒於南國張洞庭之樂滿谷滿阮建畏壘
之標羣尸羣祝盧諶條幹書記盡擅翩翩庾杲芙蓉令
史俱稱了了乃復借鉛刀之一割用佐調羹勉令桴襍

綫之微長以資補袞挹座上周瑜之韻濃若飲醇聆谷
中鄒衍之吹暖如挾纈論文促膝宵廬則獸炭翻紅索
笑巡檐朝雪則雀梅點白泛江邊之靜綠不辜嘯詠於
袁宏尋山畔之孤青竊幸聲名於孔闥從此進穀城之
履敢後文成自當隨函谷之車甘同徐甲况值春風豹
尾歡迎

翠輦於淮濱曉日螭頭競謁帷宮於江步傍牖邊之曼
倩定覩仙班隨臺上之裴君應窺日窟而乃小人懷土
佳節思親歸夢迷離輾轉陳蕃之榻旅顏憔悴傍隍王
粲之樓本謀執弭以相從忽告褰裳而欲去盟渝息壤

委一諾以何輕杖棄鄧林晝半塗而自廢參佐皆譏其
謬僻童奴亦謂其猖狂而大人乃曲賜矜憐代爲侘僚
謂枯魚銜索自難久曠夫晨昏思嬌鳥嫌籠何事更彊
其飲啄不惜借帆之惠爲杼陟岵之嗟顛倒征衣人笑
驚如胡蝶低徊客路自傷懸若鹽蜉涎涎飛飛燕豈有
憎於戊巳堂堂策策魚猶永戀於庚辛載別台慈幸蒙
福曜喜扶鳩之尙健黃席重溫慚對鯉之未工萊衣獨
曳山中鳬犬棚裏雞豚少伸孺子之情皆拜仁人之賜
今夫侯嬴空館英雄每奮臂以脚踟豫讓荒橋烈士尙
盱衡而嘖喏所以古人垂訓知我與生我齊觀往哲有

言感恩定酬恩有地兆燕荷衣賤質柴穀窮居年丁潘
岳之二毛才乏阮宣之三語何期鼠璞謬逢眞賞於下
和豈意牛溲亦獲兼收於醫緩忘其疢疴假以吹瑩燕
王則臺築郭隗嚴公則牀登杜甫是卽懷中探策應難
紀德於比干縱使夢裏銜珠未足輸忱於元暢所願崇
占鼎鉉早陟沙堤勒姓氏於鳧鐘續丰標於麟閣歸飛
德宇應儕相賀之禽遙被恩光庶及不枯之草竹頭木
屑猶堪待用於佗年舄委簪遺請勿縈懷於此日望鳳
泥首指日銘心敢布私悰統祈鑒察殘醺猶在難忘丙
吉之茵假寐空勞還憶郗生之帳雲山渺渺定知虛座

於虞翻鱗羽恩恩懼類空函於殷浩

道光歲次丙申孫珉謹編次

曾孫疇

醴校字

棕亭駢體文鈔卷之六

全椒 金兆燕 鍾越

書疏文

寄吳岑華先生書

自別芝顏屢承蘭訊吳鉤欲鑄術昧王夫楚玉空悲毀
同庚市初平叱後石詎成牟葛叟仙時桐難化虎歌殘
勑勒知塞北以何年望斷扶搖歎圖南之靡及瑟居寥
落靜憶前歡予處淒清興懷往事習池春暖蔣徑秋深
攬裾多肺腑之言促膝有雲霞之槩割牛心之炙華袞
逾榮薜塵尾之談金鍼暗授此則感深徐甲常隨函谷

之車誼重薛收永侍河汾之席未足喻其款素盟此私
悰也運際隆平時逢熙泰沈詩任筆竝侍楓宸邱錦江
花競躋芸署乃以大賢之望特崇右史之班四戶蜚聲
三才騰譽紫薇省裏豹直縑青紅藥階前雞棲樹碧頰
卜氍勻淡墨臚唱無雙竚看沙拂平堤治歌畫一政當
瀝耳彌用快懷竊有二端敢申一語側聞古人之論最
重裕昆緬惟先達之言尤隆錫羨是以庾信關河之際
每賦傷心宗元瘴癘之鄉尙思繼體況位處蟬冕之列
身居燕趙之區佐腰膺之酒持觴豈乏美人校宋祁之
書燕燭甯惟麗監倘遇李家絡秀思援周浚之門遂令

羅氏倚風獲待韓王之帳將見珠生碧海玉蘊藍田季
堅與崔輯之宗進集繼阮咸之緒不其然乎更有請者
元經申鑒皆才人不朽之資脞史叢談亦學士難刊之
業昔趨萊几快覩錦囊潤古彫今跨張融之玉海抽心
呈貌邁蕭繹之金樓然而襲之巾箱未必不脛而自走
弄之篋衍恐難無翼而能飛品重圭璋雖云不弼氣騰
干鏌豈合長埋是宜授以雕鏤命之剞劂定佳文於敬
禮不待曹丕續新論於桓譚無勞班固則裴成龔鼂羣
驚宛委之編澣以薔薇不蝕羽陵之蠹敬呈蠶測伏茲

鴻表更著卽長不忤仰冀登聞道墨帳曰方之志中舉

恥一室之間蝨處做禪不識埏埴之大蛙居管井難窺
日月之明玉筍白龍宇下非長棲之地金環黃雀篋中
豈永託之鄉緣是望羣而自思未肯鬱鬱而久處矣况
以原憲居貧劉陶誕節曹景宗黃曆之樂邈爾難期范
子真白髮之年俟焉將及悠悠鄉里孰愛任光兀兀僻
草難逢楊意板牀塵冷土銍烟銷寒漏三更柔腸九轉
欲箋天而無語思縮地以何從擬於來年從茲作客如
其八州都督記室需人三輔名豪曳裾有路幸爲說項
不惜推袁但舉庾杲之蓮便負仲由之米凡諸喁望悉
賴吹瑩倘借聲援曷勝銘鏤嗟乎白駒荏苒共傷來日

之大難緣鬢蕭騷誰識此君之小異採盧諶之條幹倘
遇劉琨孔顗之聲名還希謝朓聊憑尺素不盡寸丹

建隆寺募化齋糧疏

蓋聞維摩舍裏堪邀香積如來忉利天中必遇能仁大
士三千世界十二因緣以無所住而得法清淨身必廣
所施而獲檀多羅蜜所以銀錢五百便拈善慧之花寶
蓋千人盡禮藥王之佛鉢墨莫持來浩劫不如喜捨在
心鞞鐸佉灑向須彌無過化慳爲善揚州府城北壽寧
街建隆寺者毘尼勝海布薩叢林面江甸以開基繞淮
流而立剎地近謝安之宅水木清華天建具淨之域山

川秀麗弔重進千戈之墨毅魄猶存訪道堅鐘磬之堂
妙香斯在雕甍繡榻招怖鴿以高棲珠絡金繩振法螺
而萃響展趙宋御容於舊榻猶想英風誦參寥逸詠於
虛龕尙懸明月逮

皇朝之奠宇尤佛日之增輝羽葆霓旌牆外卽六飛之
輦路松風水月堂前皆七祖之禪宗入正門通三明道
廣看花客到無非支許之流聽講人來盡是宗雷之彥
檐前鈴語留秀支替戾之音枝上禽聲徧格磬鉤聯之
調偃波提舍祇夜修多聚八百之應真得一生之補處
然而繞門翠浪無法琛可種之田滿座緇流少宏忍堪

春之米一麻未飽半偈空持齋厨則當午無烟禪室則
連朝謝客伊蒲饑缺便煨芋以何從粥飯僧多欲吞鍼
而不敢瞿曇之面皺矣圖澄之腹枵然某僧卓錫有年
點金無術笑衣內之珠安在悵鉢中之飯難求伐鼓撞
鐘猶作無遮之會擔柴汲水空居不二之門未見桃花
但焚柏子得句雖堪呈佛忍饑何以誦經伏願檀福宰
官布慈長者共發菩提之念同依舍衛之城旣現優曇
甯無達嚩減庭前之鶴料便是僧糧脫身上之寶衣堪
爲佛事功無退轉何拘施法施財福不唐捐詎別乞貧
乞富必圖種慧請各書貞謹疏

爲寶筏寺募戒衣疏

蓋聞嚴淨毘尼心持五戒精勤布薩體被三衣祇夜修
多優波提舍不有羯磨之度安能彼岸之登茲寶筏寺
方丈守中大和尚智珠在手慧劍橫腰以精進而獲上
乘願解脫以超衆有乃於丁酉之春立壇傳戒大衆雲
集諸天雨花成就有學無學之人俱入不生不滅之境
惟是戒衫未就應器無資不有善知識緣誰結檀波羅
蜜伏願護法吉人修心居士隨緣喜捨但數足夫百單
證教昌明卽禪通夫入解看茲木叉可住如游兜率之
天定知窮子知歸盡超龍漢之劫矣謹疏

東嶽廟募緣疏

蓋聞智慧心燈滅邪燄而始成正果人天眼界離衆穢而卽入光音恭惟東嶽大帝廟後五磔之場旣建碧霞元君新剎輝煌之殿美輪奐實壯觀瞻攸萃攸甯堪資梵誦惟是西偏隙地尙屬寒蕪因之牆外行人視同棄壤成街間之溷區豈止惱驚鴨於比鄰藉道路之便洩幾至同牛羊之屠肆初等屢爲掩鼻彌切驚心念無欲天不垢不淨詎觸嫌於下界之腥而般若地以薰以修必嚴屏夫凡塵之染是惟叩求檀越作諸善緣特崇念佛之堂俾得焚香之境計其工費不過千金量厥福

田何管萬畝願誦茗而埽垢幸濡筆以書貞謹疏

募修大墅街林家埧永壽橋疏

弓當擊後東明誇飛渡之雄石值鞭餘羸政縱大觀之
樂雞聲催曉印人跡以偏多驢背衝寒擁詩情而不少
腕地之垂楊一片情盡何時漫天之落葉千重魂銷曷
極然空中懸構縱若飛仙而夜半遙呼安能役鬼所以
政頒十月必先鳩工作於夷庚數應七星乃獲觀車徒
之旁午也茲全椒縣大墅街林家埧之永壽橋者境連
淮泗地接舒廬往來多題柱之人憩止有凭闌之客青
龍臥瀾雲飛初月之光赤鯉凌霄霞靚斷虹之影參差

雁齒拂秋蓼以紅勻截薛疊梁潤春潭而紫蝕藍拖淺
水應逢仙女之綠綠繞幽村共識大夫之號乃溯其始
造既有歷年而議厥重修迄無成說長杠仆地縈蔓草
以蔽傾短樵橫波臥寒潮而蕩漾所小杜吹簫之句明
月空留歌髯蘇敬枕之詞絲楊誰挽知孺子之可教欲
進履以何從遲佳人兮不來獨抱柱而奚益慨迷津之
莫指每病涉以徒勞伏冀救蠆婆心鑄牛妙手葺其圯
壞擲銀杖於寒潭助厥功程巨金梁於古道千人共濟
無煩童烏鵲之毛一劍常懸不復鼓蒼蛟之鬣永免租
車之覆績比王周不憂樓櫓之危功侔廣德將見標名

作午清流共花竹以堪娛賜姓爲丁盛事與山河而不
朽落驢誌慶人人邀科第之榮渡虎徵祥處處得公卿
之諺矣謹疏

勸捐修大橋鎮大橋小引

代

縣城東五十里大橋鎮之大橋者川陸通衢江淮要會
東接吳陵之壤北瞻斗野之亭宛若長虹之臥波居然
寶帶之跨岸民不憂夫病涉客無勞乎問津利濟萬人
閱歷多載雖無綺楯雕欄之飾足移游觀恰當青疇綠
野之間羣叨利益賴目昔肩摩轂擊久稱成邑而成都
乃越今岸陲梁傾漸見行霜而行來停車有客欲題柱

而難留進履何人將投足而不敢本縣循行縣鄙千
橋梁本懷履坦之衷倍切臨淵之懼嗟吾民之厲揭者
衆知斯橋之關係匪輕公無渡河恨不能援而止也過
有滅項何異夫推而內之於是廣衽席斯民之心不惜
作呼號將伯之舉欲謀善事端賴仁人集衆腋以成裘
惠不至於甚費培舊基而築堦功易圖於有成幸藉隆
襄以資普渡此引

送龜神疏

年月日司命將之帝所修士某謹以粟飴粃妝之餞上
疏於馬前曰蓋聞體隆孟夏既昭五祀之儀節屆杪冬

乃命九天之駕式下土而居南面人仰吹噓書上考而
奏東皇功先調變星占張嘯神號祝融鉉或玉而或金
湘以錡而以釜火始燄燄厥功首紀天燧人烝之浮浮
肇祀聿興於周代煬者忽避何氣象之睢盱矣不能黔
徒征程之勞剋踞觚而聽傳老聃之高懷滅火更炊想
梁鴻之雅操烟迷營壘知誰滅而誰增藥煮爐鐫識孰
寒而孰熱無端獲罪王孫慚獻媚之疏偶不小心帝子
悔稱名之誤稚長大腹僅可使監王渾生兒須防其跨
味耽經史每生王劭之疑才屈庖廚忽發圓通之怒將
軍謀祕訝浸灌之何多丞相功高快騷除之不少入郇

公之室鯖鮓駢羅登石尉之堂韭萍雜沓然巨室盛訪
列鼎而寒儒亦或烘樵今某身等勞薪智同處燕漫思
一試豈能過乎鼪狸不遇三敲誰爲脫其泥土蔡邕冷
爨心隨桐尾以俱焦陳應空房人共朽腰而竝細蕭條
脯掾難邀孫寶之鄰憔悴厨娘誰餉祖家之婢欲曲徐
生之笑早已焦頭聊安向栩之牀無過容膝米求百里
空傷季路之貧灰冷十年猶憶歐陽之字薪真難燭孰
憐秋雨之滂沱燼自常懸非泛洪波之浩渺嘆襤衣之
屢敝笑枯杖之徒存伏乞鼎必取新甑無顧破乍饑烹
羊之富永無生甑之憂雞入餘妖禱除旣盡魚游佳話

傳播無窮盛於盆尊於瓶奧裏婆娑乎老婦迎其尸設
其主陘間荒忽乎嬌孫則綠醞醺醺欣傳司命之醉黃
衣絳繚快瞻吉利之來樂虛耗之齊奔幸癡獸之盡賣
矣

休寧縣儒學月課示期榜文

代家大人作

照得以道以賢師儒樹得民之望是行是訓文章垂立
教之謨別支派於齊韓五際各爲授受傳精微於董薛
一經共有師承閭闔千門經匠氏之削繩而成其裁昉
荆和萬鎰借玉人之礪錯而煥厥光華縱藍或謝青而
沙堪聚雨箴盲起廢探六籍於幽深砭愚訂頑揭兩鑑

於顯爍文惟載道言以旌心潤古彫今沆瀣浥三危之
露研昏鍊爽菱荇生四照之花此鹿洞生徒身教亦兼
夫言教而龍門學業經師仍本於人師也惟茲休邑星
屬斗墟地連吳會峰摩霄堦紛神囂仙的之龍嵒溪繞
沙汀漾錦浪文波之潏潏潺潺漸水清流環天子之都
屹屹古城高閣峙故王之壘沒微春雨薜甲村村縹緲
晴烟松鱗處處千巖暈碧琢成紫石之花一笏凝香輕
泛元波之影月潭浸玉纖阿依小厂以扶輪霞汭浮金
署約傍懸崖而散綺水禽啜喋藤溪之畫舫半艤菰蘆
山鳥鈎輈竹嶺之祇園盡藏杉枰檟橫爛錦百弓開士

之廬閑閑沈香半畝仙人之宅一塘春柳只憶方壺萬
壑秋林惟思定宇遶華竹洲之集夏玉樞金崢嶸李頓
之詞輯官綴羽展杜鵑之吟卷詩擅香名登勺藥之華
堂記傳奇瑞顏公山上俗善馴龍吳姬祠前人能射虎
汪宣城之研精理學並轡關閩程文簡之戮力宏猷齊
鑣韓富三章六策史標泗論之雄圖千古一朝人慕正
希之勅節芝生冢上曹屯田純孝無雙馬倒墩前李都
將精忠第一山川秀麗實桑欽郭璞所神移人物瑰奇
亦千寶陶潛之目矐者也所以蔚英才於四國如鋪黃
海之雲衍正學於千秋皆接紫陽之脉鴻鸞鳳翥羽儀

騰上國之輝璧合珠聯洪寶列中邦之瑞蒲輪接武鶴
書從天上遡微蓉鏡差肩鼇島邁寰中獨立波激春岸
一泓思樊鄭之功獄靜秋曹萬戶頌于張之德問四姓
五侯之邸第其在斯乎蜚三明七穆之聲華洵有自矣
本學淮南聲叟譙北畸人七葉貂蟬睨幪祖德半生鉛
槧枕莊經壇子昂捶市上之琴池濱欲碎李牟吹江邊
之笛篴笏俱沈訪古調於成連空海濤之極目憶仙緣
於叔夜逢石髓以何年齋種白楊磊磊惠開之胸臆庭
餘紫莧蕭蕭景節之襟懷偶叨鳳宸

恩綸遂闢鱣堂講席沐

聖天子菁莪之雅化鑄舜陶堯欣爾多士梗梓之奇材
凌顏轅謝繡標錦賸如披宛委之編玉價珠聲似捧昭
華之琯琳琅滿目摘豔薰香琬璧爲心漱芳傾液賦成
盛覽自堪追步相如顏抗昌黎竊恐貽譏子厚爲此示
諭文武生童知悉今於正月日初開絳帳廣召青衿發
篋鼓南梅萼點芸籤之彩濡毫硯北松滋騰蒨紙之輝
門外寒回雪賸立殘之蹟窗前春早草生除後之芽彩
燕絲雞盡助新文旖旎星毬火樹俱成異藻續紛峰對
香爐雲烟繚繞山憑玉几巒壑參差朝霞舒逸興遄飛
春水挾文濤急注銀管燦奇葩於五夜光耀裴鍾瑤圃

充祕學於三冬仙成服望精思眴眴張平子靈憲之篇
壯采楞楞李永和明堂之論鸞漂鳳泊高岡之勁翮俱
搏鼇擲鯨呿滄海之迴瀾皆立燭榮光於紫府璣鏡晶
瑩採異寶於丹山珠船朗耀知他日寅階亥陛應揮
御座琅玕借今茲卯酒辛盤且啖冷宮苜蓿惟期助我
開軒望三益之來幸語同人素筆競八義之妙毋虛勝
會共賞奇文

道光歲次丙申孫珉謹編次

曾孫醇

醴校字

棕亭駢體文鈔卷之七

全椒 金兆燕 鍾越

文 祭文

試嘉應州古學文告

代

才兼辭賦方有當於文章學擅詩歌始無慚於風雅含
英咀華之彥挾天摘藻之倫莫不尋繹宮商討求纂組
用以潤色鴻業宣習休風補百氏之聲文備六經之鼓
吹爲章雲漢不朽古今極律抗聲鈞天廣樂之奏也發
色渥彩披雲概日之觀也爰自四始開先三閭承後樂
府之作矚矢周秦古詩之名權輿蘇李大行於元朔極

盛於黃初下逮五馬南浮三星東聚尋其門徑可得而
言邈其源流自茲而別泉明之澹遠靈運之閑深各具
體裁摠持風會故孟王韋柳實本柴桑李杜高岑皆宗
康樂宋元而降述作滋多良楷雖殊師承不異寂寥天
水玉局所以空羣浩蕩中州遺山所以繼響東南半壁
劉宋竝稱前後四家虞高足尙群之義娥分照長輝映
於三才江漢合流普沾濡於羣有至若義基詩序體創
賦家屈宋寓諷於荒淫馬揚選言於麗則分題限韻唐
宋開造士之途信筆成篇杜歐繼散文之格雅琴長筵
旨趣攸分鸚鵡鷓鴣寄託斯在秦川搖落倦客有暇日

之吟京洛同翔才子有凜秋之興思元幽通之有諺子
虛亡是之詭奇景福靈光觀之目眩美人豪士讀者心
搖及夫苑內牡丹工於體物秋分團扇善於抒情潯陽
哀怨之遺括囊韓柳江乘緝裁之密拾潘王楊故知漸
之而自移者蘭茝稟本之性也使之而輒利者辟閭巨
闕之能也詩極其至可以下上神鬼嘯翕風雲賦集其
成可以包括寰區總覽人物洵碩儒之宜講而邃學之
當治者與使者居鄰顧陸早生峯泖之鄉文愧韓蘇屢
憩惠潮之境沈思螢案蓋亦有年延訪雁程已非一日
爾諸生人爲隱豹家握靈蛇弋釣旣深箕裘不替挹高

風於處子江尚名梅踵芳躅於寓賢樓曾顏鐵金膏水
碧九嶠所希曾青丹干一時之寶方當施茵設席和墨
抽豪揮霍乎精英紛綸乎揚摧神魚出水豈必待於詹
何名馬絕塵詎有殊於東野虛懷以仁刮目良殷

代儀徵失火謝運使撫恤詳文

茲據儀邑城內鄉耆等具呈前來呈稱爲恭謝憲恩叩
求轉達事竊惟詠周公之桑土最重綢繆歌召伯之棠
陰不忘芟舍千間大庇仁人之覆幬無窮百堵皆興亦
子之瞻依有託是雖數窮理極難逃无妄之災翻使易
舊更新共慶家人之吉歡逾挾纊感切銜環某等陋巷

窮民敝廬賤庶或先人梓里久爲生長之鄉或異縣萍
居偶作貿遷之客同游德宇胥獲安居乃福過而災生
遂罪深而譴作哀哉一炬竝竹頭木屑以無存慘矣千
家胥露宿風餐之靡適問君平之卜肆不賸空簾訪司
馬之酒壚徒畱壞壁老妻晨爨尋竈北以奚從稚子朝
號問門東其何處風淒淒兮霜冷永夜觀天泥滑滑兮
水深終朝沐雨江濱窮士只匿蘆中巷內高人但眠雪
裏難覓壺公之天地空憐橘叟之晨昏嗟肯堂肯構以
何年歎靡室靡家而誰訴何期蹇運忽遇隆恩揚煮海
之餘波蘇焚巢之殘喘人蒙大賚毋庸憶錄事以頻嗔

戶慶小康盡可向參元而致賀編籬繞徑重刪仲蔚之
蓬蒿甃石繞垣再補羅含之蘭菊陸家屋角無改東西
阮氏門櫟依然南北雞犬識新豐之路枌榆復舊社之
觀董威輦不寄靈臺梁伯鸞遂辭皋廡修我牆屋還來
故里之蝸廬弛其負擔免作他鄉之雁戶入室處而改
歲熏鼠無勞換桃符以迎年畫雞堪羨閭閻皞皞盡回
吹律之春景物熙熙共享登臺之樂是卽探懷中之策
應難紀德於比干卽令投夢裏之珠未足輸忱於元暢
惟願

天恩特眷弓旌三錫以彌隆世德縣承簪組千年而勿

替臨風頌禱難銘結草之心向日傍徨聊獻傾葵之念
等情據此

祭葛母唐太孺人文

噫余鮮民七歲失恃乃有太君視余猶子結骨肉恩自
童丱始豈日暮年遂忘稗齒憶昔稗齒初至永陽童冠
春服角試文場令子繩武如圭如璋雞壇結契拜母登
堂太君見余孱焉弱質無母之兒真堪愍恤垢衣爲泔
蟣髮爲櫛囊爲緘膝書爲補帙繩武於我兄事袁絲乃
以別幹締爲連枝見則相愛離則相思更唱迭和如壘
如簾全椒至滁不及兩舍雞鳴載馳日中稅駕賓至如

歸靡有朝夜雙扉旣開一榻斯下晨窗共啟雜誦琅琅
同聲相應似協宮商太君聞之推枕於牀疾呼侍婢爲
具茶湯宵燈熒熒連席相照含毫伊吾攤書嘯傲太君
見之相視一笑入厨作羹舉觴勸醕瑯琊春早共探歐
梅太君治具夙潔瓶罍都籃肴核餽飣安排歸而笑問
得句誰佳白下秋高共聽鳴鹿太君傲爽爲簡囊襆衣
著新絲筐載宿肉鵲噪鴉鳴夢占響卜乙丑寒孟從宦
新安來別太君涕泗汎瀾繩武見我霜風衣單遂罄囊
篋贈以織紉太君篝燈爲我紉補顛倒衣裳淚下如雨
我已就衰汝方太苦千里音耗何從寄汝丁卯之夏觸

熱旋歸太君見我塵土滿衣澡我蘭麝啖我瓜梨遂命
繩武相從下帷秋風好音小子獲舉太君聞之醺酒有
冀入都過滁三夕共語悲喜交集送我行旅自此以後
離憂日多僅於癸酉初秋一過蕭條里閭寥落關河飢
驅轉徙風捲蓬科棲棲皇皇客身遷播側聞太君嬰疾
長臥更訝玉樓先召李賀哭子三年呼天欲破蓐食數
載雞骨支牀一門老弱兩世孤孀課孫佐讀血淚成行
菴菴之草心甯不傷戊子之春小子捧檄更入滁城臨
風悲激花徑蓬門舊時游歷帷殯在堂灰餘殘荻征衣
自拂撫棺一哀何殊遼鶴天外歸來所喜諸孫玉立蘭

階長孫甯兆已著清才冷宦江濱飯苦不足甯兆隨余
朝夕齏粥我愛其才父書能讀他日報劉龍肝可卜頃
者告我窀穸是謀將歸舉殯營葬荒邱我聞此語泫泫
淚流速歲邇事庶遑吾憂嗟我半生受恩纒綫詎止淮
陰王孫一飯病未謁醫歟未與斂今也墓門不視下窆
茫茫終古落落乾坤淚珠報泣眞負深恩願以他世長
侍寢門一觴遙酌已矣何言

祭葛母張安人文

人生枯苑靡有所底前沈後揚先否後喜但得桑榆延
茲暮祉回還垂翅何足挂齒嗚呼安人沒世茹蕊三子

侍側長者尤偉早中副車聲騰槐市官職入手可謀甘
旨正謁選人行佩朱紫乃聞凶問踉蹌歸里祿不逮養
傷心曷已年未四十早喪所天事姑育子備歷迫邇方
謂耆艾足享晚妍如何遽逝曾不少延長君多才孝乎
惟孝逾隴適秦間關露渾賓館晨驂官燭夜校遠資脩
脯不辭勞耗今者歸來瘠容毀貌哭則無聲悲向誰告
哀我老人近益昏眊僅有一孫弱枝折撓異縣羈棲父
子傷悼昔年官舍座上無羶相共棲息團聚連年今日
隻影各在一天每一憶及肝腸沸煎見星而舍過我涕
漣明旦遂發不得爾連一語謂我慟入九泉從此負米

空陳几筵我與君家異姓骨肉黃蓋周瑜并堂情篤我
室前亡安人來哭姊妹姊妹咸共悲感今我各梲不能
旋復空寄謠詞地脈難縮

公祭馮石潭先生文

嗚呼精神入門骨骸返根有生賦也何滅何存舟壑旣
移而有旦宅所不朽者君子之澤繫翁上世世有箕裘
一鄉善士百代詒謀維孝廉公才兼文武所志未伸資
恨入土翁時未薨已如成人哀毀悲悼出於天真時張
太君年未三十以慈兼嚴教子成立翁與哲弟人羨雙
珠大小馮君與古無殊兄弟齊名一壘之雋羣曰郊禘

定堪互進翁之盛德不言而彰孝友惇篤模楷鄉邦中
歲悼亡時方銜恤婦已從姑兒當誰育祥琴旣鼓勉續
鸞膠季姜作裘羊續補袍又舉一男亦爲英物式穀似
之穎豎若發畢生手足多所感傷弟旣遠適妹復早亡
而翁肫誠無所靳惜存沒艱難援之必力外家漸落煢
煢入棺爲謀窀穸吉壤以安廿載緇帷杜柩別舍教授
生徒時雨盡化翁之德性醇乎其醇翁之行誼靡人不
遵處已若淵接人用拙論學論文皆有根蒂晚年息影
水裔山阿南岡翠障碩人之適暇日含飴兩孫玉峙執
杖將車經過戚里所嗟余季尙未歸來田荆雖茂陸大

多乖況有掌珠亦悲遠嫁將父不違有淚同瀉所喜膝
下聞禮趨庭將駕千里不負一經年過六十未覺衰老
真率會中猶爲少小如何昨歲蜡飲之餘忽遭疾疚迨
至春初節過天穿遂棄人世升屋三號翁竟長逝寒風
慘幕忽又星週將辭華屋永卽山邱我輩姻親盡傷何
已衰草茫茫送者逝矣

祭蔣文恪公文

代盧雅雨都轉作

嗚呼寒飈颼颼丹旄影影嶽頽霜麓海泣冰潮騎箕愴
說人昂悲蕭人間露薤天上雲輅於維我公韋平閭閻
族竝凡邗封連滕薛漢室貂蟬周京絺驚華轂聯翩高

蜚嶠溯昔通籍謬辱恩門時維文肅槐蔭暄溫後堂
絲竹東墅琴樽吹瑩火鏡騰躍鵬鯤公時盛年惜惜大
雅羣龍聚荀怒虎排賈父手誦詩握衣走馬

天子顧之光生日下蘭交世講膠漆欣投迴翔三徑濫
厠羊求擘箋同詠叩鉢相酬鯉庭馬帳雁序鵷儔橘弟
槐兄苔岑頓異公列清班我沈下吏弁應棄髦旌猶繫
旄雲樹天涯雙魚頻寄驥奔驚絆宦轍蒼黃遙瞻台曜
燦著天閭方來筮紱元吉占裳五衢四照藉芑無疆述
職春明實維昨歲東閣再窺謁公邸第車內吐茵門前
擁簪紱舊摠情仰承愷悌公時談讌發氣滿容曾曩灑

落體量湘沖宋惟準弼唐則璟崇太平功業平格攸同
拜別遄歸車纔止輒捧公手書知嬰美疾方謂我公榮
光孟晉變理之餘調攝自順云何匝歲遽報公薨慟深
殿陞悲切凝丞半瓜空奠萬羊難增藏舟少壑繫日無
繩神已乘雲魂猶戀闕遺疏千言盡忠自竭衛霍衣冠
鄂褒毛髮霄漢丹心千秋如揭東吳人士翹盼靈輅聞
者感愴觀者涕洟况某渥被兩世恩私撫今追往能不
銜悲二十年前初爲轉運辱公過存談諧投分厥後隨
轡載承清訓兩度邗江聽歌注醞今公復過遂隔幽明
故樽仍在昔樹猶榮夕陽隋苑秋草蕪城膺舟謝屐無

復平生公之文章儒林膾炙公之勛猷鼎鐘烏弈事載
史歲名垂竹冊末學淺窺何庸摭摭某之所悼知己云
亡莊說長寢牙琴漫張虞山岌岌尙湖茫茫一杯空酌
目斷歸航

祭史文靖公文

代

烏虜霜風江郊寒空沈寥鶴歸華表鳳辭阿巢騎箕仰
說入昂瞻蕭中台乍圻上鼎誰調於惟我公當今稷契
黼黻隆平至於耆耄福斂箕疇名高槐列海內具瞻日
光玉潔僉曰平格

天子是毗壽身壽世卽慶期願如何一旦竟不憖遺丙

苗猶在魏笏空悲一鑑淪亡半瓜愴惻蜜印長埋厥衣
共式禮備哀榮人懷惻惻金管塵封沙堤薌蝕公之閔
蘭嬌美金張朱戶尹陟緇衣武莊謝公之墅鄭公之鄉
平泉喬木投金瀨旁公之文章載道而出涵泳聖涯經
緯儒術屈宋風騷燕許手筆騰實蜚聲名山著述公之
盛德醴粹在躬千間廣廈萬仞高嵩藹如冬日惠若春
風軼韓凌富邁璟超崇公之鴻勲著在方冊出懋保釐
入參籌策澤布商霖功周禹跡髮共屏黃心同舄赤
皇猷允塞載續武功闢地萬里卽敍西戎公贊碩畫帷
幄之中淩烟獨冠褒鄂刀弓鼓吹休明誕敷文教祕閣

圖書纂繁輯要公坐石渠青藜夜照舉例發凡裁成衆妙

鑾輿巡幸匪居匪康皮軒道游周歷四方公綜留務統攝聯常正已率屬元老持綱奏對延英論思禁近賞花釣魚

玉音清問公進詩篇賢忠爲韻律中幽雅文成伊訓述公行誼更僕難終思公德澤俎豆無窮湛露豐草朝陽
蓂桐明良際會千古誰同某也昔年承乏民部公作司農親覘計簿凜公條教仰公建樹經體鴻謨羣欽國柱
今瞻丹旆光燭南天恭承

諭旨奠醑靈筵儀形未沫精爽常懸依斗遙望應復遷
延壽竝松喬慶流苗裔寶樹三珠韋平克世處處卹謳
家家巷祭雲漢日星千秋勿替高編海日畫嬰江雲秣
陵古戍京口殘醺昔紆畫錦今列秋墳哀音輓鐸薤露
懷君

公祭鄭母江太淑人文

嗚呼江邊春到三朝之瑞靄方舒海上潮回萬里之慈
雲倏散官梅影悴對葦戶以長愁皋鶴聲嘶向鈴軒而
永歎駭支牀之雞骨衰衽龍鍾憶繞徑之魚軒機絲歷
亂聞蛾頓寂却難補夫天穿封鮒何從又載逢夫冰泮

殘經定在空懷韋母之堂斷髮猶存忍過陶公之館惟
太淑人之令德實中憲公之雅倫乃嘉名之肇錫洵懿
範之堪陳纈彩筆之江花詩盤錦麗伴瑤階之鄭草書
帶香溫相夫子以克家東里則才稱博物奉姑嫜而養
志南陔則饌列兼珍爾其儉以約身恭而好禮居處不
憚夫矜嚴服御必舛其奢綺和少君之出汲不異單寒
鍾夫人之上堂能調娣姒釧音竈妾不聞掉磬之聲園
客畊傭盡授播琴之理而乃承歡顏於兩世列寶樹以
三株落翦池中旣囊螢之有佐和熊燈下復汗血之成
駒案草則科名連綴庭花則旌節芬敷何比干滿懷探

策陳仲弓百城繪圖於是發策決科蜚聲騰實快大小
阮之齊名更甲乙榜之間出惟都轉之軼才冠羣倫而
罕匹寰中則久重杜欽膝下則猶憐王述金爵標黃霸
之勲名石室紀文翁之治術

至尊垂問遙知嚴媼之家多士環觀競羨季姜之褒政
旣成於畿輔節遂移夫江干聲華嚮國禹筭鹽官江左
雄繁之地揚州風雅之壇局幹則羣推劉晏廉素則猶
然范丹夢裏發幃時懷定省嶺頭梅驛日報平安展寄
到之長緜猶傳能續送錄餘之烹飯競勸加餐是雖迢
遞雲山不異奉笑言於花徑詎思飄搖風木遂長縈魂

夢於榛闢於是惡耗初來羣僚互愕聞大戾之毀泣道
路心酸見孝泌之哀顏僮奴淚落朱履三千之客寶鏡
具者何多紅燈廿四之橋咽簫聲兮不作某等苔岑同
氣袍澤深交未效登堂之拜空聞升屋之號橘弟槐兄
述哀辭而鐫山骨芻銀紙繪陳奠醑以薦溪毛感紛悅
之難畱海雲嶺嶠悵總帷之空設淮雨江皋苟神理其
未盡庶靈魂之可招

道光歲次丙申孫珉謹編次

曾孫麟

醴校字

棕亭駢體文鈔卷之八

全椒 金兆燕 鍾越

祭文 跋 贊 銘 連珠

祭莊方伯文

代

嗚呼同雲黯黯密霰霏霏蓉湖冰老椒嶺霜迷星隕人間
詫老成之遽謝樓成天上嗟愛子以同歸榮戟門庭乍
見素車之填溢松楸山徑俄瞻丹旆之紛披况夙懷夫
光霽其曷禁夫齋咨溯鼎族於漆園毓我公之碩德既
繕性以溫良復褫躬以正直孝乎惟孝承歡無間於形
聲仁者安仁博愛必賙夫難厄笙簧五典之林枕肸

八家之室探精微於理窟圭臬儒宗咀至味於義根涵
濡聖籍爰發策而決科作隆平之柱石校書芸閣視草
花塼趨蹌洞案迴翔木天旣燕許之竝駕亦沈宋之比
肩乃經術之旣優遂經綸之屢著三異奏夫魯恭五袴
歌夫叔度論治績則久邁龔黃頌芳聲則猶思召杜更
紆豸繡作鎮西泠烏臺霜肅驄馬風清紅旆碧油拂吳
山之黛色青簾白舫來天竺之鐘聲爲屏爲藩徧海嶠
而歸德字之綱之紀領巖疆而峙干城樹德旣滋錫福
斯備誕衍家祥彌徵國瑞珠光競爽甲科則二宋齊鑣
玉署爭輝文囿則三蘇竝轡問漢家之巨閥人說金張

數晉國之材史稱韓魏而乃志明澹泊性愛煙霞厭
彈冠而結綬耽種竹與栽花青瑣朝班讓機雲之接軫
白茅幽谷指巖壑以爲家斯卽握丹經之九籥離火宅
以三車自永年之有術歌大耋以奚嗟夫何金鑑乍淪
玉棺頻下山顏木壞乘雲旣難挽夫松喬玉折蘭摧殉
孝更傷心夫終賈豈曦輪策馭必須過悲谷以傍徨而
海濤騰潮無不匯愁潭而霑灑也哉輶車旣駕華屋長
辭漆燈燄閉繆幕風淒人抱西州之痛客畱東閣之詩
某羣紀素交尹班夙契曾憶昔年于役各奉簡書爰從
客館論交共聯臭味蘇臺月朗憑高閣以聽歌茂苑花

深命清尊而買醉，篋書沾臆苑昔夢之非遙。鄰笛銷魂傷故人之竟逝，悵繫乎一官空雲飛乎兩地。猿聲江岸似聞升屋之三號，馬鬣山阿聊寄題碑之十字。

祭
宮保配李夫人文

代

嗚呼雲蓋榕寒星毳荔丹十洲溟海九曲仙山節鉞風
清正紅旆碧油之煥色玳瑁露冷乍魚舳象服之彫顏
鐵笛亭邊天上之芳筵盡歆金崎江畔波間之沈鎖俱
殘而况淮壩廣莫閩嶺嶢岼鱗鴻迢遞雲樹彌漫蓮使
何來方起居夫八座微音頓杳倏交集夫百端顧膝前
稗齒何知早扼腕於典型之先失念天末衰顏寡偶定

傷心於婚嫁之未完緊宮保之勛名與夫人之懿德周
海宇其共承徧簪紳而爲則溯內助於生平洵中閨之
儀式膺鸞誥於五花極山河之祿飾肅孟案與桓車佐
夫子以勵翼夫共家聲鼎族姓系仙根柳氏昇平之里
于公通德之門黃鶴樓邊人知尹姑白蘋洲畔譽重瑤
琨燕寢香中不殊紙閣蘆簾之沉虎符幄內無忘斷壘
畫粥之言信躡鍾而提郝堪翼子以詒孫斯固耆孺之
所共識無勞嫺郇之廣爲援獨宦轍之堪尋憶雒華之
芟憩嚴奉職以六條託崇檐之厦庇撫魯殿與秦碑皆
恩膏之流暨政共紀夫召郇化久行於洙泗幸綴庾樓

之末座明月同輝謬叨謝墅之清塵春風共被訪綠邨
之田父盡美中丞頌彤管之閨師不遺女繇逮宮保之
移節勒偉績於南臺復總制夫浙閩樹物望於三台潮
平貝闕雲展蓬萊夫人相對綬笥齊開似木公與金母
羨神明之不衰夫何紫帔方新白雲遽駕豈赴瑤臺之
宴鸞鶴何之空畱寫韻之軒音塵俱謝在宮保以國事
爲家事夙夜靡遑而夫人本地仙作天仙悲哀可却惟
壺範之云遙永盡傷夫姻婭嗟寒門之弱女締公子以
連柯仰尊姑之慈訓將迨吉以鳴珂侍晨昏於笄篋定
鞠愛之云多憶客秋之聘幣承珍縟之駢羅皆夫人之

半綫燦三英與五紵而乃旭日未占慈雲先散悵他年
之廟見忍捧杯捲郵此日之謾言俱非里閭形箴千載
堪傳述德之辭青鏤一編盡付招魂之館吁嗟乎蘭綺
森森鈴軒燦燦賓從如雲薤韃無算方引皇以傳呼獨
向隅而永歎悲偕老之無人能不傍徨而待旦也哉六
如夢幻一致彭殤寄言宮保請勿神傷况庭前之玉樹
皆肘後之金章知夫人之含笑縣世澤以無疆聊一危
之寄奠迓海日於扶桑

金勒馬嘶芳草地玉樓人醉杏花天圖跋

一痕柔碧雕鞍繡轂之鄉十里闌紅瓊闌珠簾之館章

臺楊柳慣代珊瑚明鏡菱花偏憐寶髻玉驄嘶處香塵
與霧腳齊飛翠袖凭來紅粉共花光一色此茸鞦鶴轡
競傳名馬之篇而蜀葉鬢眉共羨麗人之作也然而庭
前榻上誰幻誰真畫裏歌中卽空卽色伯時據地遂高
冀北之羣周昉拈毫便奪牆東之豔偶傳神於阿堵聊
省識夫春風張向華堂如游綺陌玉珂公子撫錦贖而
早結蘭心金屋佳人展繡幘而欲邀綵伴嗟乎從來驚
驥大抵同轅自昔姬廉每傷共室鹽車終歲誰憐仰首
之鳴漆室頻年空作撫膺之歎項王帳裏美人泣不逝
之騅白傅堂前愛妾愴難畱之駱何似丹青一幅神駿

長存灰酒半杯娉婷卽下也哉君如可換須畱驄影於
花間僕本無情且聽歌聲於夢裏

方野堂駢體文跋

壯采煙高逸情雲上抽心呈貌夏魄淒神寶鏡匣中激
虎吼龍咆之響綵絲機上簇鸞翔鳳翥之姿筆刃剗塵
詞焱吹影璫金石以捶字斧造化以構篇神之所搏精
之所擴直可揮斥八極盧牟六合豈第鏤紅鐫碧腴白
儷黃鏗步庾而肩徐徒提江而挈鮑已哉定知輪扶大
雅好教市上高懸從茲氣餒小巫敢復籬邊酣呌

朱岷源詩跋

望赤雲於日脚客子初歸吐紅意於枝頭殘冬漸暝紙
窗竹屋偶爲三徑之游獸炭松盆共作一宵之話傾君
家釀敢侈言飲酒公明示我吟編謬許爲詩文敬禮巡
廊密詠據案閒披堪分雪月之輝信得江山之助難加
點治竊爲編摩賈碑則有字皆金庾集則無篇不玉讀
罷而媵以標跋鈔成而載向江湖作掌中之印證定許
實獲我心示海內之交游共詫無如臣里

周小頑哭女詩跋

蟾窟閨素娥之影月不終宵鴛鋪畱青女之魂霜無永
旦檢庾信傷心之賦尤傷者膝下荀娘誦宗元乞巧之

文難乞者掌中佛婢拓矮箋之十幅鵲血斑斑升高屋
以三號狼腸寸寸焚之絃閣應霏紫玉之煙唱向秋墳
定萎紅心之草知子莫若父事可述誠如君言愛女甚
於男情所鍾正在我輩斷魂風雨看清明節物何非頃
刻之花放眼雲山對爛熳韶華且盡逡巡之酒

方東來秋雨詩跋

石傾五色舉頭皆有漏之天淚下千絲拊節少無愁之
曲山腰羃歷障青眼以誰窺月額靈靈翠眉而獨鎖
灑蕉窗之點點心悴孤抽籠蓉岸之冥冥色菸三醉耽
幽守寂閒愁隨豐注以無休戀影縈魂斷夢共浮漚而

靡據莫罄柔腸之輾轉聊憑弱翰以纏緜鳴定不平聲
眞無怠蕭條中夜如聞塞北之笳寂歷高齋似聽淮南
之雁君爲秋士豈免長號僕抱冬心那能卒讀金錢翠
蓋試靜看物外榮枯礎色禽情且默驗空中消息

書雙旭園侍讀親雅齋詩集後

重輪彩麗光搖不夜之天四照花開影布衆香之國叩
泗濱之浮玉竽簫慚音擎合浦之明珠螢蜃匿燿人依
璚冕語帶煙霞梳楊柳於月中出芙蓉於水面薔薇浣
罷使人之意也消玳瑁裘成懷古之情逾甚莫窺渺慮
竊効僂言現寸爪片鱗想第叩之囊底丐殘膏賸馥恐

難得其環中願扶大雅之輪頓索小巫之氣奉波若眼
得道試參牀上蜘蛛塞頻伽瓶餉空且熟口中茗帚

江賓谷題襟集跋

題襟集者邗上江賓谷先生入楚游草也夫其戔戔夏
口城邊之雉堞千年淼淼襄陽江上之鷁艘千里荒山
剩水半英雄轉戰之場暮雨朝雲盡才子銷魂之境而
况人工賦恨家住埋愁千秋尋羅綺之叢一劍作雲天
之客仲宣樓上撫陳丹暗粉以蒼茫叔子碑前捫斷蘚
殘苔而侘傺悵然有作率爾成編濡毫而香挹澧蘭選
詞而歌成郢雪賦沈元石九天招屈子之魂瑟鼓青峯

木犀子集 卷之八 七 贈集韻
一曲寫湘靈之怨羨此日人間佳集復見題襟想者番
天上仙姝定逢解佩

吳岑華先生陽局詞跋

右岑華先生陽局詞一卷字字胎香篇篇咏翠築脂刻
玉疑女瑩之肌膚生卉活禽似邊鸞之渲染柔情旖旎
花間蘭畹之編綺思紛綸石帚梅溪之調兆燕每當問
字輒獲繼聲謬許爲座上冬郎頻示以夢中秋駕然而
但吹氏厭中節良難拄指鉤絃成章匪易每披斯卷不
禁神移譬之燭龍頓耀螢蜃自匿其輝玉虎乍鳴輝蚍
難爭其響庶幾等牀頭之蠶解讀阿房比籠裏之蠶欲

星子云爾

焚樓贊

裕王入揚州羅宅某夫人合室焚死其裔孫聘繪焚樓狀索題贊曰

火性無我寄於諸緣發則必克神者入焉烈哉夫人持坤握乾娣姒妾媵從義比肩處緇不涅聚而殲旃嗚呼此樓千古巋然赤熛怒之德永著商邱開之生獨全是何異逍遙乎涼邃之館而游泳夫清冷之淵

古佛贊

掩室摩竭杜口毗耶但憑五行奚用三車隻履何歸一

羣頻渡廓然無聖孰知其故拈花指月隨處皆禪六時
冥坐萬念寂然高齋無人得句呈佛默然許可吾意已
足

楊效先生像贊

空明其胷睟盎其容目若營天地神自貫始終一卷著
銀河棹千秋媿郭宏農

田雁門竹杖贊

三竿兩竿爰居爰處欲訪先生直造竹所
孫枝既茁晚翠檀樂先生杖履共竹平安

劉碧鬟墓銘

平江來鶴樓東雞棲之下有骨一具其魂不散憑乩告
人自名碧鬟厥姓曰劉畫沙作詩多幽憂怨抑之語且
云已證仙籙但惜此遺骸欲遷瘞於淨土里之人改斂
以槥擇虎邱真娘墓側葬之金子兆燕走四方不得志
過姑蘇聞其事哀之乃爲之銘銘曰

嗟爾淑女生世不諧憤恨以死埋恨鬱樓旣妥爾骨永
居仙闕吁勿再降螭蛄之窟

鳳池硯銘

筆陣縱橫墨光演漾染翰朝朝鳳凰池上

風字硯銘

礫砢其形潤澤其致卽之也溫知風之自

十三經連珠

蓋聞四營布算數生有象之初一畫探微道蘊無名之
始是以窮其要妙大儒諮籀邇之人昧厥精深古聖罰
守門之子易

蓋聞帝皇雖遠步驟可尋謨典具存笙簧如奏是以補
成三筴備航頭壁裏之奇誤以一言踵淮雨別風之謬
書

蓋聞溫柔之旨不假雕鏤比興之音只言情性是以謝
姬奩畔雅評最愛夫清風鄭婢泥中莊謔亦吐其秀韻

詩

蓋聞書成元聖陽豫既占功在素臣膏肓何疾是以瞽
儒目論雖譏爲相斫之書大雅心儀獨有其不移之癖
春秋左傳

蓋聞辨裁之體千載不刊墨守之功衆喙斯寢是以傳
平地而衍敢壽俱奉良弓邁虞鐸而軼夾鄒誰嗤賣餅
春秋公羊傳

蓋聞筆操南董既登作者之堂經受西河定入聖人之
室是以清而婉也自堪發瀉意於高文表而章之庶以
起遺編之廢疾

春秋穀梁傳

蓋聞王會鳧旌乃以見聖人之制叔孫縣絕然後知天子之尊是以儀著三千必備薦豆執籩之瑣篇存十七不辭折巾結草之繁

儀禮

蓋聞周籍既去畱疑寶於千秋新政初行導禍源於萬世是以傳之不朽亦祇堪襲奇字於侯芭補之良難終未見成完編於俞氏

周禮

蓋聞刻舟求劍先後聖已陳跡之難尋擿埴索塗大小戴總究言之靡據是以阮中灰冷拊心長恨於羸秦市

上金懸借面轉資於呂氏

禮記

蓋聞有曾互紀知大文之如揭於天齊魯分編信斯道

之未墜於地是以說研有獲千億年卽半部堪師傳會
爲工八十宗無一言足據

論語

蓋聞用勞用力陳編雖祇庸言屬商屬參分授具存精
意是以絳衣肅拜紫微浮縹筆之光黃玉呈祥白霧鬱
赤虹之氣

孝經

蓋聞方言急就皆爲鉛槧之資倉頡凡將詎恥蟲魚之
注是以前能該悉當筵剖駢鼠之疑學未精深舉筋中

蜚蜚之誤

爾雅

蓋聞當秦之世競尙縱橫由孔而來獨談仁義是以七
篇炳炳堪偕夏禹以論功千載遙遙未許王充之妄刺

孟子

道光歲次丙申孫珉謹編次

曾孫麟

醴校字